

Morning Dogri (NSD) National News Bulletin 21-07-2024

आकाशवाणी

1. प्रधानमंत्री नरेन्द्र मोदी होर विश्व धरोहर कमेटी दे 46में सम्मेलन दा अज्ज संजा नमीं दिल्ली च उद्घाटन करगंन।
2. संसद दे बजट सत्र शा पैह्ले सरकारै अज्ज सर्वदलीय बैठक सददी ऐ।
3. कर्मचारी भविष्य तिथि संगठन नै इस ब'रे मई म्हीने च 19 लख 50 ज्हार नमें सदस्य जोड़े न।
4. केरल दे मलपपुरम जिले च 14 ब'रे दे इक जागतै च निपाह वायरस दी पुष्टि होई ऐ।
5. नेपाल दी संसद च अज्ज के.पी.शर्मा ओली सरकार विश्वास मत हासल करोग।
6. दाम्बुला श्रीलंका च जारी महिला एशिया कप टी-20 च अज्ज भारत दा मकाबला यूएई कन्नै होग।

<><><><><><>

PM Delhi

प्रधानमंत्री नरेन्द्र मोदी होर अज्ज संजा 7 बजे नमीं दिल्ली दे भारत मंडपम च विश्व धरोहर समिति दे 46में सत्र दा उद्घाटन करगंन। इस मौके पर ओह सभा गी बी संबोधत करगंन। भारत पैहली बारी विश्व धरोहर समिति दी मेजबानी करै करदा ऐ। बैठक इस म्हीने दी 31 तरीक तोड़ी जारी रौहग। विश्व धरोहर समिति दी बैठक ब'रे च इक बारी हुंदी ऐ ते एह विश्व धरोहर सकमति कन्ने सरबंघत सब्बनें मामलें दे प्रबंधन ते विश्व धरोहर सूचि च शामिल कीती जाने आली थाहरें बारे फैसले लैने लेई बी जिम्मेदार ऐं इस दरान विश्व धरोहर सूचि च नमीं थाहरें गी निर्धारित करने, 124 मजूदा विश्व धरोहर संपत्तिएं दी संरक्षण स्थिति रिपोर्ट, अंतर्राष्ट्री सहायता ते विश्व धरोहर निधि दे इस्तेमाल सने होरनें प्रस्तावें पर चर्चा कीती जाग।

<><><><><><>

PM-Massage

प्रधानमंत्री नरेन्द्र मोदी होरें विश्व धरोहर समिति दी बैठक दी मेजबानी भारत गी थहाने पर खुशी जताई ऐ। सोशल मीडिया पर इक पोस्ट च उनें आखेआ जे भारत पैहली बारी समिति दी अध्यक्षता करै करदा ऐ ते ओह अज्ज संजा लगने आले कार्यक्रम गी लेइयै बड़े उत्सुक न। श्री मोदी होरें आखेआ जे एह बैठक देसै दी विरासत दे संरक्षण लेई वैचारिक आदान-प्रदान दा बड़ा महत्वपूर्ण मंच ऐ।

<><><><><><>

Budget Session

संसद दे बजट सत्र शा पैहले केन्द्र सरकार नै सर्वदलीय बैठक सददी ऐ, जेहदे च सब्बने राजनैतिक पार्टिएं थमां सैहयोग मंगेआ जाग तां जे दौनें सदनें च रमानदारी कन्नै कम्मकाज चली सकै। संसद दा बजट सत्र सोमवार शुरू होआ'रदा ऐ ते मंगलवार वित्तमन्त्री निर्मला सीतारमण होर लोकसभा च केन्द्रीय बजट 2024-25 पेश करगन। श्री नरेन्द्र मोदी सरकार दा एह पैहला बजट होग। बजट सत्र दरान सरकार आस्सेआ 6 नमें बिल पेया कीते जाने दी बी मेद ऐ।

<><><><><><>

EPFO

कर्मचारी भविष्य तिथि संगठन-ईपीएफओ दे सदस्ये दी गिनतरी च इस ब'रे मई महीने 19 लख 50 जहार दा बाद्धा होआ ऐ। एह ब'रे 2018 च पैहला Payroll Data जारी होने परेंत कुसै इक महीने च होए दा सब्बने शा मता बाद्धा ऐ। श्रम ते रोजगार मंत्रालय नै इक ब्यान राएं आखेआ ऐ जे इस ब'रे मई महीने लगभग 9 लख 85 जहार नमें सदस्य संगठन कन्नै जुड़े न ते इस ब'रे अप्रैल थमां नमें सदस्ये दी गिनतरी च 10.9-6 फीसद दा बाद्धा होआ ऐ। समझेआ जा'रदा ऐ जे एह बाद्धा रोजगार दे मौके च बढ़ोतरी, कर्मचारिएं दे लाह बारे बघदी जागरूकता ते संगठन आस्सेआ लोकें तगर पुज्ज बनाने लेई आयोजित कीते गेदे आउटरीच कार्यक्रमें दे कारण होआ ऐ। इस दरान लगभग 14 लख सदस्ये संगठन दी सदस्यता परतियै लैती ऐ।

<><><><><><>

Kerala

केरल च मलपपुरम जिले च इक 14 ब'रे दे जागतै च निप्पली वायरस दी पुष्टि होई ऐ। केरल दी सेहत मंत्री वीणा जार्ज होरें दस्सेआ जे राश्ट्री वायनालोजी पुणे च कराए गेदे टैस्ट च एह पुष्टि होई ऐ। केरल दी दौं प्रयोगशालाएं च बी एह टैस्ट पॉजिटिव पाया गेआ हा। संक्रमण प्रभावत जागते दा मैडिकल कालेज अस्पताल कोजीकोड च इलाज चला'रदा ऐ। मंत्री होरें अपने ब्यानै च आखेआ जे राज्य स्थिति कन्नै निबड़ने लेई तैआर ऐ ते निपाह संबंधी रोकथाम उपाए अमल च आंदे जा'रदे न। मलपुरम जिले च इक नियंत्रण कक्ष बी खडेरेंआ गेआ ऐ, जागतै दे संपर्क च ओने आले रिश्तेदारें दी बी जांच कीती जा'रदी ऐ। इस वायरस दे इलाज लेई लोडचदी एंटीबॉडी राश्ट्रीय विरालोजी संस्थान पुणे थमां भेजी गेदी ऐ, जेहड़ी मेद ऐ जे अज्ज कोजीकोड पुज्जी जाग।

<><><><><><>

Bangladesh

बंगलादेश च चला'रदे आरक्षण विरोधी प्रदर्शनें करी कोई इक ज्हार भारतीय विद्यार्थी परतोई आए न। विदेश मंत्रालय मूजब 778 भारतीय विद्यार्थी, बक्ख-बक्ख जमीनी बंदरगाहें राएं वापस आए, जदके 2 सौ विद्यार्थी ढाका ते चिट्टगांव थमां हवाई जहाज राएं स्वदेश पुज्जे न।

<><><><><><>

PM-New Zealand

प्रधानमंत्री नरेन्द्र मोदी होरें न्यूजीलैंड दे अपने हमरूतबा क्रिस्टोफर लक्सन कन्नै टेलीफोन पर गल्लबात कीतीं इस दरान दौने नेताएं औने आले ब'रें च दपक्खी सैहयोग गी नमीं चंचाइएं तगर पजाने दी अपनी वचनबद्धताएं गी फही पक्का कीता। दौनें पक्खें बक्ख-बक्ख खेत्तरें च दपक्खी सैहयोग गी अगगे बधाने पर सैहमती जताई।

<><><><><><>

Nepal-Oli

नेपाल च के.पी.शर्मा ओली हुंदी सरकार अज्ज विश्वास मत हासल करने दी कोशश करोग। नेपाल दे संविधान मूजब नमें नियुक्त प्रधानमंत्री होरें गी 30एं दिनें दे अंदर-अंदर विश्वास मत हासल करना हुंदा ऐ। ओली होरें गी चौथी बारी संगारें प्रधानमंत्री दे औहदे दी सगंध चुकाई गई ही। ओली होर नेपाल दे सब्बनें शा बड्डे साम्यवादी दल-सीपीएन-यूएमएल दे प्रधान न। राष्ट्रपति रामचन्द्र पौडेल होरें उनेंगी नेपाली कांग्रेस कन्नै रलियै गठबंधन सरकार चलाने दी जिम्मेदारी दित्ती ऐ। ओली होरें पुष्प कमल दहल प्रचंड सरकार दे पतन दे बाद सरकार दा गठन कीता ऐ। उनेंगी 275 सदस्यें आले हेठले सदन च विश्वास मत हासल करने लेई 138 वोटें दी लोड़ ऐ। हेठले सदन च नेशनल कांग्रेस ते सीपीएन-यूएमएल दे 166 सदस्य न।

<><><><><><>

CBI-NEET

केन्द्रीय पड़ताली ब्यूरो सीबीआई नै नीट-यूजी पेपर लीक मामले च होर त्रऊं जनें गी हिरासत च लैता ऐ। उंदे च दो राजस्थान दे भरतपुर मैडिकल कालेज दे विद्यार्थी न। सूत्रें मूजब एह दवै 5 मई गी नीट-यूजी परीक्षा आले दिन हजारीबाग झारखंड च मजुद हे, जेहदी तकनीकी निगरानी राएं तस्दीक बी होई गई ऐ। हिरासत च लैता गेदा त्रिया आरोपी तालमेल बनाने आला ते मदद उपलब्ध करोआने आला ऐ ते एह इस मामले दे सरगना दी बी मदद करदा रेआ ऐ।

<><><><><><>

Guru Purnima

अज्ज गुरु पुन्नेआ दा पर्व मनाया जा'रदा ऐ। इसी व्यास पूर्णिमा दे नां कन्नै बी जानेआ जंदा ऐ। एह दिन आध्यात्मिक गुरुएं ते आचार्यें गी समर्पित हुंदा ऐ। इस मौके पर लोक अपने गुरुएं दे प्रति श्रद्धा-भाव प्रगट करदे न जिनें उंदा मार्गदर्शन कीता ते उंदे जीवन गी इक नमीं दिशा दित्ती। भगवान बुद्ध होरें संबोधि प्राप्त होने पर बोधगया थमां सारनाथ दी यात्रा कीती ही ते अज्जे दे दिन गै अपना पैह्ला धर्मोपदेश दित्ता हा। इस करियै भगवान बुद्ध हुंदे अनुयायिणं लेई अज्जै दा दिन कृतज्ञता-ज्ञापन दा दिन हुंदा ऐ।

<><><><><><>

Asia cup

महिलाएं दे एशिया कप टी-20 क्रिकेट च अज्ज श्रीलंका दे रनगिरि दाम्बुला अंतर्राष्ट्री स्टेडियम च ग्रुप-ए दे इक महत्वपूर्ण मैच च भारत दा मकाबला यूआई कन्नै होग। जेगर भारत अज्जै दा मैच जित्ती जंदा ऐ तां ओह सैमीफाइनल च अपनी थाहर पक्की करी लैग। एह मैच भारती सभें मताबक अज्ज दपैहरी 2 बजे थमां शुरू होग। तोआई कल होए दे इक मकाबले च मेजबान श्रीलंका नै बंगलादेश गी 7 विकटें कन्ने हराई दित्ता। विशमी गुणरत्ने दे अर्द्ध-शतक दी सहायता कन्नै श्रीलंका नै 17 ओवरें ते 1 गेंद च गै जित्त हासल करी लैती। एह्दे शा पैहले बंगलादेश दी टीम नै 20 ओवरें च 8 विकटें पर 11 रंज बनाए हे।

<><><><><><>